

Cando aos membros do **Bricolabs** se lles pregunta como imaxinan que sería o Co-Lab, teñen en mente un espazo onde se poida xuntar xente con interese na arte, na tecnoloxía e na participación cidadá para que poidan interactuar. Mentras moitos edificios constrúense dende a base, reflexionan que neste caso a lóxica debería de ser totalmente diferenciada, tendo que **comezar polo tellado**, é dicir, polos proxectos ou as intencións, máis que pola xente que tería que desenvolverlos, xa que se os axentes sociais non interaccionan, se non atopan alí o seu espazo non terá futuro. Só dese xeito, comezando a casa polo tellado pode que a iniciativa fructifique.

As liñas que se propuxeron no Co-Lab, segundo o punto de vista do Bricolabs, teñen que poder integrarse noutras, Entenden ademais, que aínda sendo transversais, non están exentas da grande importancia que teñen na constitución, tanto dos eixos como do Co-Lab.

No referido ás liñas transversais sobre o **réxime xurídico**, entenden que deberían irse **concretando** coa axuda de **expertos e grupos cun certo nivel de compromiso e interese no proxecto**, así como cunha **representación cidadá**, que xa tivo presenza nestas primeiras xornadas do Co-Lab.

Facendo una valoración do que podería aportar un Co-Lab a Bricolabs, atópanse con eixos comúns e unha grande dispoñibilidade, mais entenden que só será así mentres o Co-Lab non se converta nunha réplica do que xa está constituído ou pode atoparse noutros lugares de Galicia.

Reflexionan por último sobre **o coñecemento libre**, entendendo que sería para eles **o campo semántico común onde ambos poderían entenderse** co obxecto de compartir a experiencia da xestión dun espazo maker autoxestionado e autofinanciado podendo sumar tamén todo o coñecemento técnico.